



Publicaziuns officialas dils 30-06-2017

Resultat dalla votaziun communal dils 25-06-2017

Votaziun davart il project da sanaziun dils provvedimenti d'aua Sumvitg/Sogn Benedetg, Cumpadials/Clavadi e concessiun dil credit brut da 6'000'000 francs

cedel da giu:	246
cedels vits:	0
cedels nunvaleivels:	4
<hr/>	
cedels valeivels:	242
gie:	217
na:	25

Sumvitg, 30-06-2017

Biro electoral Sumvitg

Damondas da baghegiar

Nr. 41/2017

Datum da publicaziun: 30-06-2017

Patrun: Deplazes Norbert, 7173 Surrein

Liug e parcella: Via spel Rein; 786

Object: Sanaziun externa dalla casa, restructuraziun dil contuorn, scala nova, 2 mirs da gabionas

Nr. 56/2017

Datum da publicaziun: 30-06-2017

Patrun: Tuor Leo e Christina, 7173 Surrein

Representant: Architect Gion A. Caminada, 7149 Vrin

Liug e parcella: Val; 3778

Object: Construcziun d'ina suoschna d'autos

Nr. 59/2017

Datum da publicaziun: 30-06-2017

Patrun: Vischnaunca Sumvitg, 7175 Sumvitg

Liug e parcellas: Igniu; 430, 699

Object: Runcada d'uaul

Nr. 61/2017

Datum da publicaziun: 30-06-2017

Patrun: Vischnaunca Sumvitg, 7175 Sumvitg

Representant: Biro d'inschignier Deplazes, 7173 Surrein

Liug e parcella: Reits; 2350

Object: Sanaziun Via Reits

Nr. 62/2017

Datum da publicaziun: 30-06-2017

Patrun: Vischnaunca Sumvitg, 7175 Sumvitg

Representant: Biro d'inschignier Deplazes, 7173 Surrein

Liug e parcellas: Catat, Chistrisch, Caduff; 41, 86, 104, 331, 333, 382

Object: Sanaziun Via Catat, Via Chistrisch, Via Caduff

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandont project:

Nr. 39/2017

Gion Tuor, 7172 Rabius; lavurs da manteniment vid mirs e rovens da crappa; sanaziun, remplazzament e cumpletaziun dalla seiv sin parcella nr. 342 a Rabius-Tscheps sut.

Sumvitg, 30-06-2017

Cumissiun da baghegiar Sumvitg

Communicaziun dalla suprastonza communal

Vicepresident communal per 2017/2018

La suprastonza communal ha elegiu tenor art. 39 dalla constituziun communal en sia seduta dils 19-06-2017 genau Ignaz Deplazes sco vicepresidente communal pigl onn da gestiun 2017/2018.

Sumvitg, 30-06-2017

Suprastonza communal Sumvitg

Serrada via Laus

Muort las lavurs da construcziun sin la via da Laus vegn la via serrada naven dils 24 d'avrel 2017. La via ei serrada duront l'entira jamna (era sonda e dumengia) per tut il traffic. Il traffic vegn duront il temps numnau sviaus sin la via da Puzastg.

Tablas d'informaziun dattan sclariment davart ils loghens exacts dil tschancun che vegnan sanai. Las medemas informaziuns ein era publicadas sin la pagina d'internet dalla vischnaunca www.sumvitg.ch. Quellas informaziuns ein oravontut d'impurtonza per ils cultivaders dils praus sil tschancun denter Falens e Laus.

Nus engraziein per Vossa capientscha. Ulteriuras informaziuns survegnis Vus directamein dil biro Deplazes a Surrein (tel. 081 943 25 60).

Sumvitg, 30-06-2017

Suprastonza communal Sumvitg

Dumbraders d'aua

La montascha dils dumbraders d'aua en nossa vischnaunca ei ton sco terminada. Nus engraziein per la buna collaboraziun denter convischinas e convischins ed ils installaturs. Cun pintgas excepziuns ha tut funcziunau fetg bein.

Naven dils 1 da fenadur 2017 vegnan las taxas per cuvierer ils cuosts da menaschi dalla serenera Zavragia era quintai tenor il diever d'aua sin fundament dallas indicaziuns dil dumbrader d'aua. Aschia san quels cuosts vegnir reparti pli gest tenor il principi dil caschunader e la vischnanca sa ademplir ad ina pretensiun dalla Dertgira federala. Quella pretenda numnadamein ch'ils cuosts dil menaschi d'ina serenera vegnien per part cuvretgs cun taxas causalas sin fundament dil principi dil caschunader (decisiun dalla Dertgira federala 2C_995/2012 dils 16 da december 2013).

Sumvitg, 30-06-2017

Departament dismessa d'aua piarsa

Menu dalla tatta

Il „menu dalla tatta“ cumpeglia spisas e pasts vegls. Mintga ustria survescha siu agen «menu dalla tatta». Vus saveis reservar ils plazs directamain ell'ustria.

Das „menu dalla tatta“ bietet althergebrachte Speisen und Gerichte. Jedes Restaurant bietet sein eigenes „menu dalla tatta“. Reservationen beim Restaurant Ihrer Wahl.

Agenda:

08.07.2017 – Ustria dalla Staziun: 081 943 19 22

04./05.08.2017 – Hotel/Restaurant Greina, Rabius: 081 943 11 68